

皇清經解

皇

清

經

解

皇海經解卷一千二百六十六

學海堂

爾雅義疏

棲霞郝戶部

懿行

著

釋地第九

地者說文云元氣初分輕清陽為天重濁陰為地萬物所陳削也釋名云地者底也其體底下載萬

物也亦言諦也五土所生莫不審諦也白虎通云地者易也言養萬物懷任交易變化也許慎注淮南子云地麗也物理論云地底也著也陰體下著禮統云地施也諦也應變施化審諦不誤按大司徒云以天下土地之圖周知九州之地域廣輪之數辨其山林川澤丘陵墳衍原隰之名物此篇所釋自九州以訖四極其間陵藪異名原野異勢五方異氣莫不備載下篇釋丘釋山釋水皆地之事故總曰釋地

兩河閒曰冀州

自東河至西河

冀者說文云北方州也釋名云冀州取地以為名也其地有險有易帝王所都亂則冀治弱則冀強荒則冀豐也釋文引李巡云兩河閒其氣清厥性相近故曰冀冀近也按職方云河內曰冀州此云兩河閒者即兩河之內也言東河西河不言南河者以豫州見之又古以冀為中州之通名穀梁傳云鄭同姓之國也在乎冀州淮南覽冥篇注冀九州中謂今四

海之內大荒北經注冀州
中土也竝與爾雅義異

河南曰豫州
自南河至漢

豫者釋詁云安也釋名云豫州地在九州之中京師東都所
在常安豫也釋文引春秋元命苞云豫之言序也言陽氣分
布各得其處故其氣平靜多序也又引李巡云河南其氣著
密厥性安舒故曰豫豫舒也按禹貢豫州以荆河為界爾雅
豫州以漢水為界知者以下文漢南曰荊州荊在漢南明豫
在漢北矣郭云自南河至漢公羊莊十年䟽引孫氏郭氏皆
云自東河至西河之南
曰豫州與今本郭注異

西河曰雒州
自西河至黑水

雒者邕之假借說文作邕隸作雍釋名云雍州在四山之內
雍翳也釋文雍者擁也東嶠西漢南商於北居庸四山之內
擁翳也李巡云河西其氣蔽壅厥性急凶故曰雍雍壅也又
引太康地記云雍州兼得梁州之地西北之位陽所不及陰
氣壅闕故取名焉按周禮及爾雅皆無梁州則雍州兼有梁
州之地也禹貢雍梁皆西界黑水故郭據以為言至漢改雍
梁為益州今其地則四川也

漢南曰荊州

自漢南至衡山之陽

說文云荆楚木也釋名云荊州取名於荆山也必取荆為名者荆警也南蠻數為寇逆其民有道後服無道先疆常警備之也邢疏引李巡云漢南其氣燥剛稟性強梁故曰荆荆強也按禹貢荊州言荆及衡陽爾雅言漢南者衡陽舉其南界漢南舉其北界也漢北即豫州界

江南曰揚州

自江南至海

揚者釋名云揚州之界多水水波揚也釋文引太康地記云以揚州漸太陽位天氣奮揚履正含文明故取名焉禹貢正義引李巡云江南其氣燥勁厥性輕揚故曰揚揚輕也按禹貢言淮海惟揚州公羊疏引鄭注揚州界自淮而南至海以東也爾雅變淮言江者明揚徐二州以江為界江南為揚州即知江北為徐州矣郭云自江南至海公羊疏引孫氏郭氏曰自江至南海也蓋至南二字誤倒當以今本為是

濟河閒曰兗州

自河東至濟

濟兗說文作洿洿云洿洿也東入于海洿水出河東東垣王屋山東為洿釋名云兗州取兗水以為名也類聚六引春秋郝戶部爾雅義疏

元命苞曰兗之言端也按兗州界東南據濟西北據河是在濟河間也釋文及公羊疏引李巡云濟河間其氣專質厥性信謹躋駟議傲故曰兗兗信也

濟東曰徐州

自濟東至海

徐州者釋文引太康地記以為取徐丘為名釋名云徐舒也土氣舒緩也公羊疏引李巡曰濟東至海躋駟引辨其氣寬舒稟性安徐徐舒也又引孫炎與郭注同按禹貢徐州界東至海北至岱南至淮爾雅舉濟東為言者殷仍夏制徐兗二州以濟為界濟西為兗東為徐也至周并徐於青與夏殷異太康地記周合其地於青州是矣

燕曰幽州

自易水至北狄

燕說文作鄴云地名釋名云燕宛也北方沙漠平廣此地也在涿鹿山南宛宛然以為國都也幽州在北幽昧之地也釋文引李巡云燕其氣深要厥性剽疾故曰幽幽要也又引太康地記以為因於幽都為名或云北方太陰故以幽冥為號二者相依也按職方云東北曰幽州正北曰并州禹貢合幽於冀爾雅合并於幽公羊疏引孫郭並云自易水至北狄也據職方來易并州川漫昭余祁并州澤藪爾雅十藪燕有昭余祁此注易水屬燕是皆并合於幽之證

九州之疆域也逸周書大匡篇云三州之侯咸率程典
篇云文王合六州之侯奉勤于商商頌云奄有九有毛
傳九有九州也又云帝命式于九圍
毛傳九圍九州也殷有九州皆其證

魯有大野

今高平鉅野縣
東北大澤是也

釋名云魯鈍也國多山水民性樸魯也按爾雅魯兼徐兗二
州之地故禹貢大野屬徐州職方屬兗州爾雅實兼二文也
左氏哀十四年傳西狩於大野杜預注與郭同晉地理志鉅
野屬高平國漢志屬山陽郡史記夏紀集解引書鄭注大野
在山陽鉅野北名鉅野澤今按鉅亦大也元和郡縣志云大
野澤一名鉅野在縣東五里南北三百里東西百餘里水經
濟水注引何承天云鉅野湖澤廣大南通洙泗北連清
濟舊縣故城正在澤中然則鉅野古縣因藪澤為名也

晉有大陸

今鉅鹿北廣
河澤是也

釋名云晉進也又取晉水以為名其水迅進也大陸者呂氏
春秋有始覽及淮南墜形篇並云晉之大陸高誘注大陸魏
獻子所游焚焉而死者是也水經清水注云脩武故甯也魏
獻子田大陸還卒於甯大陸即吳澤矣魏土地記曰脩武城
西北二十里有吳澤水陂南北二十許里東西三十里左氏
定元年傳杜預注云大陸疑即吳澤陂近甯是酈注本杜預

以吳澤陂爲大陸其地在河內修武今之獲嘉縣西北春秋時晉之境內左傳晉始啟南陽謂此地也呂覽淮南又云趙之鉅鹿高注以鉅鹿廣阿澤當之其地在今順德府鉅鹿在縣之間乃趙之境內故別爲趙藪緣鉅鹿亦有大陸之名故郭注本孫炎遂以此爲晉藪誤矣水經濁漳水注又云自甯迄於鉅鹿出於東北皆爲大陸張聰咸曰脩武距鉅鹿南北千里酈元欲聯爲一地乃以淇口當禹貢北過絳水之文故強爲牽合胡氏渭云淇口在黎陽西南距脩武二百餘里信如酈言則河之所經當先大陸而後降水斥其無定見云云是矣孫炎郭璞所云廣阿澤者孫觀剛倂觀詒傳卽漢志尙書鄭注所指禹貢之大陸呂覽淮南所云趙之鉅鹿矣竝與此違

秦有楊陁

今在扶風
汧縣西

說文云秦伯益之後所封國地宜禾釋名云秦津也其地沃衍有津潤也楊陁者職方冀州藪曰楊紆注云所在未聞雍州藪曰弦蒲注云在汧漢地理志右扶風汧北有蒲谷鄉弦中谷雍州弦蒲藪然則漢志所說與職方同鄭注甚明郭欲以職方之弦蒲當爾雅之楊陁參差不合其說非矣淮南墜形篇云秦之陽紆高誘注陽紆蓋在馮翊池陽一名具圖按左氏僖卅三年傳秦有具囿杜預不注其地如高誘說以具圖卽具囿錢氏坵說文辭詮云今池陽爲西安府涇陽縣地

並無高原大澤然則高注亦非矣淮南脩務篇云禹之爲水
以身解於陽野之河穆天子傳云至于陽紆之山河伯無夷
之所都居然則陽紆陽野聲雖相近而於爾雅之楊陞都亦
無會邵氏正義說以有始覽云秦之陽華高注陽華在鳳翔
或曰在華陰西以爲近之今按爾雅釋文陞郭烏花反則與
華音相近似楊陞卽陽華然鳳翔之名非高所得聞錢氏所
謂後人附入者不足依據高引或說以爲在華陰西亦無的
指難以取證後漢郡國志注於弘農郡華陰下引呂覽及高
注於右扶風汧下引爾雅及郭注亦不以爲一地則邵氏亦
失之釋文陞孫於于反本或作紆字非然則陽紆楊陞非一
地明矣攷之諸書旣多差舛按之職方又相抵互竊
謂爾雅此義當如鄭君之闕疑不當如郭氏之誤注

宋有孟諸

今在梁國睢陽縣東北

釋名云宋送也地接淮泗而東南傾以爲殷後若云滓穢所
在送使隨流東入海也孟諸者禹貢作孟豬史記作明都漢
志作盟諸職方作望諸鄭注望諸明都也左傳作孟諸與爾
雅同諸豬聲同孟望明盟古聲近也元和郡縣志云宋州虞
城縣孟諸澤在縣西北十里周廻五十里俗號盟諸澤晉地
理志梁國睢陽春秋時宋都漢志故宋國微子所封禹貢盟
諸澤在東北是郭所本也睢陽今之歸德府商丘
縣也自宋末以來屢遭河決數澤厓岸不可復識

有雲夢

今南郡華容縣東南巴丘湖是也

雲夢者職方云荊州其澤藪曰雲曹鄭注雲曹在華容漢志華容雲夢澤在南荊州藪司馬相如子虛賦云楚有七澤一曰雲夢雲夢者方九百里是雲夢實一藪也經傳或分言者省文從便耳左氏昭三年傳王以田江南之夢杜預注楚之雲夢跨江南北是則夢亦雲也定四年傳楚子涉睢濟江入于雲中杜注入雲夢澤中是則雲亦夢也楚辭招魂篇云與王趨夢兮課後先王逸注夢澤中也楚人名澤為夢中然則夢中猶雲中矣淮南墜形篇云南方曰大夢高誘注夢雲夢也地理志江夏郡有雲杜即禹貢之雲土土杜古字通然則雲土亦夢土矣雲土夢作人史記夏紀及漢志並變作雲夢土皆得禹貢之意各順文從便耳漢晉華容縣今為荊州府監利石首二縣地郭云巴丘湖者太平寰宇記引宋永初山川古今記雲夢澤一名巴丘湖是也

吳越之間有具區

今吳縣南太湖即震澤是也

吳越者釋名云吳虞也太伯讓位而不就歸封之於此虞其志也越夷蠻之國度越禮義無所拘也具區者禹貢云震澤底定職方云揚州其澤藪曰具區漢地理志會稽郡吳具區澤在西揚州藪古文以為震澤是具區即震澤其地在吳謂

之吳越者有始覽云吳之具區墜形篇吳作越高誘注具區在吳越之間是矣郭以太湖卽震澤者水經沔水注引虞翻曰是湖有五道故曰五湖韋昭曰五湖今太湖也尙書謂之震澤爾雅以爲具區方圓五百里郭氏本之而以太湖震澤爲一非也邵氏正義雖致疑難終泥舊說以爲吳越水鄉濤湖汎決川瀆難恣此亦依違郭氏之失也按避暑錄話云孔氏以太湖爲震澤非是耦耕傳灤澤周官九州有澤藪有川有浸揚州旣以具區爲澤藪則震澤卽具區也太湖乃五湖之總名耳灤劫泐其凡言藪者皆人資以爲利而浸則但水之所鍾也今平望八尺震澤之間水瀾漫而極淺與太湖相接而非太湖積潦暴至無以洩之則溢而害田所以謂之震他州之澤無水暴至之患則爲一名而已而具區與三江通塞爲利害故二名以別之據葉適之言則知震澤與太湖相接而爲二太湖有隄濶之限震澤水極漫淺或溢而害田亦或隄而爲田與太湖純水者形勢自別葉氏生於宋代所見如此今烏程有震澤上下二鄉自上林軋村至南潯鎮皆是地濱太湖與葉氏所見無異頗疑邵氏吳越之人乃不能舍大湖而別指具區何歟至於湖澤增減古今異形顏真卿石柱記稱太湖周四萬八千頃視越絕書已廣一萬二千頃矣越絕太湖圖韋昭云方圓五百里今康熙間周八百餘里矣灤澤卽具區蓋積年衝俶隄岸變遷然震澤之非太湖東南人要可目驗而知也

齊有海隅

海濱廣斥

此釋營州之藪海隅者有始覽及墜形篇竝云齊之海隅高注隅猶崖也蓋近海濱墜形篇又云申池在海隅高注海隅藪也史記齊世家集解引左思齊都賦注曰申池在海隅齊藪也是皆本爾雅爲說但海隅是大名申池是其間小地名縣絡川原佳饒竹樹故左氏襄十八年傳焚申池之竹木文十八年傳公游于申池蓋地饒林木足可娛遊杜預不據申池在海隅之文乃依京相璠說以齊南城西門名申門左右有池疑此爲是水經淄水注反是杜而駁齊都賦注之非斯皆失矣今自登萊之黃縣掖縣以西歷青州之壽光樂安以東及武定之海豐利津以北延袤千餘里間皆海隅之地管子所謂渠展之鹽左傳所云澤之萑蒲藪之薪蒸蓋胥於是焉或疑十藪皆舉地名齊藪獨汎指海隅以斯致疑此又非也子虛賦言齊王畋於海濱與楚之雲夢對舉海濱卽海隅且雲夢一藪猶方八九百里跨江南北況齊洋洋大風海隅之藪跨越數郡包絡千餘里何足異也子虛所稱列卒滿澤罽網彌山驚於鹽浦平原廣澤遊獵之地皆非虛語然則郭注以海濱廣斥爲言斯爲當矣張聰咸據胡氏渭禹貢雖指以管子渠展卽爾雅海隅今以其說未備因復推廣之耳

燕有昭余祁

今太原鄆陵縣北九澤是也

此釋幽州之藪殷之幽州兼周之并州故職方并州其澤藪
曰昭余祁鄭注昭余祁在鄆漢志太原郡鄆九澤在北是為
昭余祁并州藪郭注本此鄆陵陵字衍也有始覽作燕之大
昭墜形篇作燕之昭余無祁字者省文耳今其地在大原府
祁縣東七里水經汾水注鄆澤祁藪是也然則祁縣因藪
為名釋文祁孫本作底音之視反蓋假借字作祁為正

鄭有圃田

今滎陽中牟縣西圃田澤是也

釋名云鄭町也其地多平町町然也圃田者職方豫州藪於
西周時在東都畿內故詩東有甫草鄭箋以為圃田之草也
水經渠水注圃田東遷以後屬於鄭故左氏僖卅三年傳鄭之
有原圃杜預注以為圃田澤是也元和郡縣志云圃田澤一
名原圃中牟縣西北七里其澤東西五十里南北二十六里
西限長城東極官渡上承鄭州管城縣界曹家陂又溢而北
流為二十四陂按中牟今屬開封府漢屬河南郡晉屬滎陽郡

周有焦護

今扶風池陽縣瓠中是也

釋名云周地在岐山之南其山四周也詩六月正義引孫炎
曰周岐周也焦護者詩作焦穫爾雅釋文穫又作護水經沮
水注云沮水東注鄭渠渠首上承涇水於中山西邸隴抵瓠
口所謂瓠中也爾雅以為周焦穫矣元和郡縣志云焦穫藪

郡池陽縣今爲西安府三原縣也

十藪

說文云藪大澤也左氏襄廿五年正義引李巡曰藪澤之別名也周禮豕宰注云澤無水曰藪澤虞

注云觀序水希曰藪是藪澤名同而實異故豕宰云藪收養蕃鳥獸左氏昭廿年傳藪之薪蒸虞侯守之然則藪者湊也薪蒸鳥獸之所湊風俗通云藪厚也有草木魚鼈所以厚養人也彌文其藪之名數則淮南本於呂覽無大野焦護而以趙之鉅鹿與晉之大陸竝稱說文本於職方其言九藪全襲彼文而青州孟諸離州弦蒲幽州奚養冀州楊紆與爾雅葦違豈此之藪名爲從殷制而周有焦護非可預言疑殷有九州亦當九藪焦護一藪或後人所增今風俗通十藪之名雖與此同而非應劭舊本不足依據鄭注澤虞又云爾雅有八藪益復可疑賈疏曲爲之說以爲周秦同在雍州秦有楊紆周有焦護一州有二故言十爾雅除畿內一州而言故云八其說亦未可信且八藪之名未聞其審今亦無以言焉闕之可也

東陵隄南陵息慎西陵威夷中陵朱滕北陵西隄鴈門是也

鴈門山

也

陵者說文云大冢也東陵者禹貢有其名漢志廬江郡金蘭西北有東陵鄉又元和郡縣志東陵山在章丘縣南二十八里引莊子駢拇篇云盜跖死利於東陵之上是又一東陵也但東陵雖有二處阨字遂不見所出至於息慎朱滕亦猶是焉威夷者文選西征賦云登峭坂之威夷李善注引韓詩曰周道威夷薛君曰威夷險也按威夷漢志作郁夷屬右扶風雖地可言西然未必便是西陵潘賦以威夷連峭坂爲言與地志又復菲異李善注所引亦非也西隄者史記作先俞趙世家云反至分先俞於趙集解徐廣曰爾雅西隄鴈門是也正義曰西先聲相近蓋陞山西隄二山之地並在代州鴈門縣皆趙地也又謂之隄穆天子傳云乃絕隄之關陞郭注謂北陵西隄鴈門山也北山經注鴈門山卽北陵西隄鴈門之所出因以名云郭氏二注竝與此合鴈門山在今代州東北

陵莫大於加陵

今所在未聞

加陵者風俗通云國語周單子會晉厲公於加陵引爾雅曰陵莫大於加陵言其獨高厲也淮南人間篇云晉厲公合諸侯於嘉陵按周語云柯陵之會韋昭注柯陵鄭西地名也盟於柯陵在魯成十七年然則柯陵卽加陵加嘉柯古聲同也韋注柯陵在鄭西今未聞其審

莫大於湟梁

湟水名梁隄也

湟梁者湟是水名梁其隄也左氏襄十六年會于湟梁杜預注湟水出河內軹縣東南至溫入河水經濟水注湟水出原城西北原山勲掌谷俗謂之爲白澗水引爾雅而云梁水隄也湟水又南注於河公羊襄十六年疏引孫炎曰梁水橋也郭云隄者釋宮云隄謂之梁梁陵同類故列於八陵

莫大於河墳

墳大防

釋匡岸云墳大防方言云墳地大也郭注卽大陵也鮑照蕪城賦稱三墳此河墳詩汝墳及淮墳三墳之中河墳爲大故獨在八陵胡氏禹貢雖指以漢河隄謂爲金隄者當之金隄在今濬縣但本是人所爲恐非也錢氏坫釋地注今蒲州府榮河縣是其地漢之汾陰隄也引水經注曰長阜背汾帶河長四五里廣二里餘高十丈然則爾雅河墳必謂此矣

八陵

東方之美者有醫無閭之珣玕琪焉

醫無閭山名今在遼東珣玕琪玉屬

職方幽州其山鎮曰醫無閭鄭注醫無閭在遼東賈疏云目驗知之漢光武十三年以遼東屬青州二十四年還屬幽州